

## Universitätsbibliothek Paderborn

### **Mirabilis Vita Venerabilis Virginis Marinæ De Escobar Vallisoletanæ**

Deprompta ex ijs, quæ ipsamet jussu Patrum suorum Spiritualium  
consignavit

Secvnda Pars Mirabilis Vitæ Venerabilis Virginis Marinæ De Escobar

**Puente, Luis de la**

**Pragæ, 1688**

Caput X. Referuntur varia, quæ ipsi agenti patronam Hispaniæ, cum Deo  
evidenterunt.

**urn:nbn:de:hbz:466:1-38666**

movebat se huc atque illuc, & quodammodo blandiebatur eidem Sancto Angelo. Declaravit mihi deinde, illam esse symbolum affectuum meorum animarum.

Post prolata quedam alia dixit, se nomine Dei velle inferere in digitum meum manus annulum, quem gerebat in sua, quod fecit, & annulus mihi drepente visus est eundem digitum penetravisse, adeo ut illi fuerit incorporatus. Hoc facto Sanctus iste Angelus disparuit. Mox vidi descendentes ex celo alios Angelos, adfrentes speciosam coronam, qui consistentes coram me gratias mihi egerunt, quod orarem pro commissis cura & custodiis ipsorum Provincijs, atque pro felici exitu, quem Deo largiente erant sortitae meae preces. Fui vehementer pudefacta, & nunc id refero cum ingenti mea verecundia, agnoscens quam sim indigna, ut Deus suis Divinis oculis meas respiciat preces: quanquam ita magis manifestet magnitudinem suae misericordiae. Illi Sancti Angeli imposuerunt coronam meo capiti, quam ubi aliquamdiu retinuisse, Sanctus meus Angelus Custos eam deposituit, servaturus, licet non viderim, quo illam tulerit, quidcumque cum ipso egerit.

Die sequenti, quæ erat feria quarta, decima septima dicti mensis, sum ducta ad celestem Jerosolynam, & presentata Beatissimæ Trinitati, quæ mihi dedit suam sanctissimam benedictionem. Inde fui

ducta ad quendam altum locum, plenum inestimabili gloriâ, ubi mihi, quidquid videbam & agnoscebam, apparebat esse mera æternitas, vita perpetua, gaudium perpetuum, beatitudo perpetua, non absque inexplicabili animæ voluptate & iuventute. Hinc, jubente Deo, inclusa in quendam velut nubeculam auream sum translata ad longè distitum locum, qui habebat speciem commodi oppidi, seu parva urbis. Ibi vidi castellum munitum, quod obsidebatur ab hostibus, non circumquisque, sed ab una parte, & quasi ex adverso. Pugnabatur utrinque, & aggressoribus fortuna minus favebat: ex nube autem, in qua ego eram, emicabant quidam radij luminis, quibus excæcati hostes, aliqui præfocabantur calore, & alij despondebant animos. Conabantur nihilominus iterate oppugnationem, ut de novo invaderent possefos, qui erant Catholici, & Hispani. In hoc statu illos reliqui, sperans tamen fore, ut Divina Majestas concederet victoriam nostris. Locus, quantum ex indicijs mihi datis collegi, est Portus dives. Deus sit in æternum benedictus. Amen.

*Legatur, quod hac de re in quadam sua epistola Joannes de Havo, qui tum Gubernatorensis agebat Portus divitis, scribit ad Venerabilem Marinam, cuius precibus victoriam attribuit. Epistola, cum reliquis hoc factum concernentibus, reperitur in fine Capitis XXXVI. Lib. I. hujus II. Partis, ubi id recensui.*

## CAPUT X.

Referuntur varia, quæ ipsi, agenti patronam Hispaniæ, cum Deo evenerunt.

**A**nno sexcentesimo vigesimo sexto, multa hic spectantia fuerunt à Venerabili Mariæ aetate cum Divina Majestate, ut necessario plura notabiles capita sint occupatura: exequemur omnia secundum ordinem temporum & mensum, quibus contigerunt. Calamitosissimum fuit hujus anni principium quandodam regionibus Hispanie, prefertim vero Castella, propter subitas fluviorum exundationes, que luctuosam intulerunt stragem. Huc alludit Virgo ita exordiendo.

Decimâ nonâ Februarij fui vehementer fatigata, & oppressa doloribus, neque minus afflictione ortâ ex calamitatibus meorum proximorum. Tunc mihi Dominus dixit: Soror, es valde fatigata, quiesce in me, ac dormi tantillum. Anima fuit unita Deo, & corpus occupatum brevi, sed levavi somno naturali, quo suas vires modicum resocillavit. Quando ex eo evigilavi,

Vita Mar. de Escobar Pars II.

visus mihi est JESUS Christus Dominus noster præ se ferre , acsi eò tenderet , ubi ego eram . Volui illi procedere obviām , ad ipsum excipiendum , & quasi alloquerer sociam , quæ mihi tum aderat , dixi intra me : Eamus . Vidi autem tunc Sanctum Patrem Ludovicum de Ponte mihi dicentem : Paulatim Soror , quid vis facere ? Expecta Dominum , quia ipse ad te veniet . Ità conquevi , & expectavi . Advenit Ejus Majestas cum comitatu multorum Angelorum , eo habitu & modo , quo versatus fuit in mundo : superinduerat tamē quandam elegantem vestem , & habebat pretiosissimum diadema in suo sacro capite , vultum exhibendo gravissimum , & magna authoritatis , ut se ostenderet sumum esse Regem . Latus ipsius stipabat , ad unius passus distantiam subsequens , sublimissimus Angelus , qui auream in manu ferebat campanulam , cuius sonus videbatur esse vox Angelica , intimans attentionem . Eo auditu ceteri Angeli se prostraverunt humi , & Dominus stando suam ipsis dedit sanctissimam benedictionem , quā acceptā surrexerunt , & Christus Dominus magna cum maiestate sic illos est allocutus : Angeli mei , ibitis ad omnes illas regiones , in quibus per hos dies fuit exercita mea Justitia , atque in nomine Patris , & meo , ac Spiritus Sancti , & in virtute sanguinis , quem profudi in cruce , perambulabis terram ( tum Ejusdem Majestas elevavit brachium , & gravissimo gestu indicavit illius circuitum ) dicetisque mortalibus , qualiter mea Clementia ipsorum fuerit miserta ; inspirabitis illis , ut agant penitentiam pro suis peccatis , atq; ut vias suas , opera , & corda dirigant ad consequendam salutem ; ut fructuosè audiant , & custodiant verbum Dei . Quod attinet ad temporalia , restaurabitis collapsa , corroborabitis debilia , & reparabitis minus perfecta . Deinde idem Dominus ad me conversus mihi dixit : Tu verò ora Deum pro hoc populo , ut se disponat ad suscipiendam Divinam misericordiam .

Fui afflicta , dum audirem dicentem Divinam Majestatem , ut orarem , quò se ipsi disponerent : voluisse enim , ut omnia

faceret Ejusdem Clementia , statimque illos disponeret . Intuitus me est Dominus , & dixit mihi : Ego ità res disposui , ut homo ex parte sua præster , quod debet . Quamvis namque sim omnipotens , hec tamen svavi meæ convenit dispositioni . Angeli se obtulerunt cum magna prouititudine & hilaritate , ad omnia exponenda , quæ ipsis mandabantur . Postea Dominus coepit mecum sermocinari dicendo : Accede nunc , quid tibi de hoc Iustitia meæ opere videtur ? Ego verecundè , prout par erat , respondi : Mi Domine , suffici quòd tu id sis executus , ut proflus beneficium fuerit . Bene est , reposuit Dominus , quid tamen tibi videtur ? melius fuisset , si mea Clementia fuisset misera hujus populi ; an verò quòd exercuerim meam Iustitiam ? Mi Domine , aiebam , tu semper facis , quod est melius & operis , quod est convenientius : ac proinde quod factum fuit est melius , quia tu id fecisti . Accessit Ipsius Majestas ad me , quz procidi ad ejus pedes , & impertiens mihi suam sanctam benedictionem , imposuit unam è suis sacris manibus meo capiti , alteram autem potui exosculari . Tum agnovi , quòd revera , qui me alloquebam ac tangebat , esset ipsemet JESUS Christus Dominus noster in sua propria persona , ut de hoc non possem ambigere . Meus spiritus se fortiter univit eidem Domino , & quando deinde ad me redivi , fuerit finitum mysterium .

Alià vice , cùm essem afflictissima , propter multas adversitates & calamitatibus his diebus , ut mihi referebant , & ruerant hæc Regna , quantumcunque me resignarem in Divinam voluntatem , non poteram me tamen componere . Tum mihi Dominus dixit : Conquiesce , Animus enim fieri conveniebat , ut punirentur qui sunt mortui , & superstites emendarentur . Adverte , nonne vidisti magistrum aliquem puerorum , dum hi sunt negligentes in istruendo , & garriunt , surgentem ex sella illorum triumve ex ipsis capita ac auctorū aliquoties verberantem , atque iste terrefacientem omnes , qui men perire se applicant lectioni ? ità verò ego nūc eg

Alio die, postquam mihi Divina Majestas ostendit, quid supra dicti Angeli profecerint, exequentes quod fuerant iussi, vidi Angelos Custodes earum animarum, quibus dictata sibi a Deo inspiraverant. Veniebant apertis & semiextensis brachis, dependentibus inde instar spirarum multis catenis ex purissimo auro, quae erant pretiosissimis interstinctae lapidibus. Progrediebantur hi Beati Spiritus longo ordine, & videbantur mihi, licet essent latissimi, incedere multum fessi, ut indica- rent non tam pretium & quasi pondus illius thesauri, quem cerebant, quam curam ac diligentiam impensam lucrandis animabus. Ascenderunt per pulcherrimos gradus ad cœlum, & obtulerunt illa cimelia Majestati Triunus Dei, qui ostendens, sibi ea plurimum placere, mandavit, ut servarentur in cœlesti quadam castello munitissimo, suo gazophylacio. Significatum mihi fuit, cimelia mystica, quæ ibi ostendebantur, ideo fuisse catenas, ut mihi indicaretur, animas illas jam quasi fuisse in Domino ab Angelis in perpetuum captas, & non perdendas, neque recessuras ab amore debito tam bono Deo. Ipse sit in æternum benedictus propter suas misericordias. Amen.

Quadam feria tertia, decimâ sextâ Martij, dignata est me invisiere Sacratissima Persona Spiritus Sancti. Venit iste Dominus cum consueta pompa & majestate, quanquam absque prævio illo strepitù & motu, de quo alias dixi. Duxta fui ab Ejusdem Majestate ad valde remotum mare, ubi vidi tria oppida seu castella muro cincta, & turrita, atque duo ex ijs intra mare in insula, & aliud in litora. Ignoravi Provinciam, in qua essent, scivi tamen esse Catholica. Dominus mihi dixit: Considera accuratè hæc duo castella. Consideravi illa diligenter omni ex parte, vidi esse penitus destituta omni apparatu necessario ad defensionem, & militibus, unde afflcta dixi Deo: Ah mi Deus! valde malè hoc loco agitur, summa est hæc debilitas, & maximum periculum, ut destruantur ab hostibus, si adveniant. Quid igitur est faciendum, ajebat Dominus.

Li 3 id

Obsecro Tuam Majestatem, respondi ego, ut jubeas ista castella custodiri à tuis Angelis. Fiat licet ita, dixit Dominus, & mandavit sex Angelis, ut custodirent ea castella. Vidi, quod se assumptâ specie humana collocaverint infra, quasi ad angulos illorum castellorum. Sic aquievi, & egi gratias Deo pro præstito mihi beneficio. Vidi tamen deinde, illos Angelos relictis angulis, quos occupaverant, ascendisse ad turrem castellorum, ita ut inferior pars esset velut indefensa ac deserta, quando ego fui quodammodo absorpta in Domino.

Otiduo pôst, sequenti nempe feria ter- tiâ, manè me Dominus valde properanter vocavit, dicendo: Veni, veni Anima, & videbis. Gyravi oculos animæ, & vidi ca- dem ista castella quasi nudata præsidio, eð quod Angeli ascendissent, sicut dixi. Ro- gavi rerum Divinam Majestatem, ut di- gnaretur illi necessitatì succurrere: & De- us videtur voluisse rogari, qui mihi denique dixit: Bene est. Derepente fui ducta ad cœlestem Jerosolymam, in cuius spa- tiolo foro, ubi eram, vidi multos Angelos Sanctos velut expectantes, ut illis Deus quidpiam mandaret, cessurum in ipsius honorem, eum in modum, quo per fora hujus mundi est repertire operarios expe- cientes aliquem, à quo conducantur ad laborandum. Erant speciosissimi & com- ptissimi, quos tum interrogavi: Domini, quid hæc agitis? Expectamus, responde- runt, ut Deus nobis aliquid imperet, in quo illi exhibeamus obsequium. Voletisne verò, mei Domini, subjunxi ego, vos con- ferre ad protegenda & custodienda quædam munimenta Catholica, quæ summè indigent defensione? Faciemus id omni- no, reposuerunt ipsi, verum oportet te hanc rem petere à Deo, atque de ea cum Ejusdem Majestate agere, ut nobis id man- det. Adivi Dominum cum magna confi- dentia, & dixi illi: Mi Domine, isti tui Sancti Angelis offerunt, ad succurrentū ijs castellis, modò tu ipsis id mandes. Ob- secro te per temetipsum, ut mihi gratifi- ceris, mandando hoc illis. Ita faciam, di- xit Dominus: quid autem habes, quod mihi rependas? Mi Domine, respondi, cur

id dicas? quomodo sic loqueris? quid sum ego, aut quic̄ habeo, quod tibi dem, cūm sim pauper & miserabilis creatura, ut proinde si aliquid habeo, totum sū tuum?

Taliter velut pendebam à Deo, expectans quid mihi diceret, sed nihil audivi, quia eo ipso momento me rursus adverti esse in meo angulo. Tum ad me venerunt omnes hi mei Domini Angeli, qui hic assūlunt, & attingentes me spiritualissimè, atque illā sibi consuetâ decentiâ Angelicâ, discooperuerunt meos pedes, manus & latuſ, quas partes Divina Majestas signavit suis sacris insignibus. Unumquodque horum membrorum erat transfixum durissimo clavo, unde unus è Sanctis Angelis singulos clavos extrahebat, tanto meo cum dolore ac seni, ut tota contremiserem, acsi mihi evelleceretur anima, & videbatur mihi copiosus ex vulneribus fangvis effluere. Positis quinque clavis in quadam patina, dixit mihi Angelus meus Custos. Age, Soror, mitte Domino istos clavos, hoc enim sibi à te vult dari. Mi Domine Angele, dicebam ego, quid ità dono Divinæ Majestati? Multum, respondit ille, quia ipsi donas desideria, & voluntatem, ut, quotiescumque Dominus voluerit ijsdem istis clavis iterare in his membris vulnera, id faciat juxta suum divinum beneplacitū: das illi promptitudinem & patientiam in vehementibus doloribus, qui hinc in te derivantur. Nónne es prompta, & vis hæc omnia, toror, prout Dominus voluerit? ità profectò quām libentissimè, respondi. Oblati fuerunt clavi Majestati magni Dei nostri, qui accepto munere, ostendens sibi illud valde placere, statim jussit suos Angelos abire, & custodire ea castella.

Post paucissimos dies, nihil ejusmodi cogitans, fui ex paupere meo lecto abrēpta ( non viditum, à quo, et si deinde reſciverim, fuisse bonum spiritum ) atque ita eram nudipes educta sum ex cubicello, & ē mea domo. Ambulavi per plateolam angustam, tendentem ad Cantaranas: ingressa sum plateam aurifaborum, forum, plateam Sancti Jacobi, portam campi, donec pervenirem ad Conventum Monialium Recollectarum Sancti Bernardi. Ibi

fui elevata in altum, ità ut optimè possem discernere ex anteriore pontis parte fluvium. Vidi turbati, & commotati dæmonibus crescere aquam, atque fluens vehementer intumescere, quod dagent illici infernales spiritus volebant omnia in vicinia deſtruere & inundare. Incepit videndo exclamare ac dicere. Adjuro vos mali spiritus in nomine Dei, ut relinquantis has aquas, & non conturbatis, neque damnum Fidelibus inferatis. Ipsi quasiasperati agebantur in majorem ruborem, ad ego tanto magis attollebam vocem, & dicebam instantius: Advertite, quid vobis imperem nomine Omnipotens Dei, n̄e cuiquam noceatis, quod sollicitè & frequenter iterabam. Tandem coadiucentes abiverunt, & aquæ conquiuerunt. Fui continuo à Sanctis Angelis, qui se mihi tum exhibuerunt spectando, ductus ad meum angulum. Restituta mihi ajebam:

Bone Deus! qualis est mea phantasia! quantum potest hæc facultas! Licet vero mihi aliunde satis clarum videretur, non esse imaginationem, quod mihi acciderat ex alia tamen parte mei confetti timores me adagebant ad existimandum, me non intelligere, quid vidissem. Quapropter in quieta mecum ipsa disceptabam, quod usque me Dominus pacavit, dicendo mihi: Non fuit tua imaginatio, sed veritas. Cur vero, mi Domine, dixi ego, sic fecisti? Bene tu potuisti imperare demibus, & aquis, atque omnia suffident, quin ego illuc irem, quemadmodum in. Verum quidem est, respondit Dominus, me id facillimè potuisse, non volebam, sed mittere te nomine meo, ut hoc exquereris. Ecce nunquid non vidiisti, quod dum aliquis manet in cubiculo, & inde subtus excitari tumultum in gallinario, quia ibi infra comparet rapax quarens avis, ad vocet puerum, illaque dicat: Come deorsum, & incute illi avi timorem. Haec vero ego nunc feci, & videns dæmones illi licentia, quam à me his diebus habem, nile conturbare fluvium, ac nocere isti civitatib; præ commiseratione, quā mea Clemētia fuit permota, miti te, ut ices ad hos terrendos, & nolui id ipse facere, immo

quam pertusus vestrarum negligentiarum, atque exiguae emendationis vita, post tot beneficia, quae accepisti. Hæc omnia mihi dixit Dominus. Ob hunc itum debile meum corpus fuit occupatum à gravi catarrho, & præter meam ordinariam infirmitatem pessimè valui, patiendo aliquot noctibus terribiles pectoris angustias. Et quia ego non possum dicere causam, atq; me & sociæ statim ex magna sua charitate advocant Medicos, sustineo quod Deo placet. Isti me tum repererunt valde debillem, & fractam viribus.

Alio die mihi Deum pro his præsentibus, & totius Regni necessitatibus oranti, ut nostri misereretur, dixit Div: Majestas: Penes te sit arbitrium pacis & belli, tu es tuus iudex inter me, & populum meum. Quid

vis amplius à me fieri? Deus sit millies propter suas misericordias benedictus. Amen.

*Comparatio rapacis avis, invadentis gallinariam, nihil continet, quod non sit dignissimum ore Dei, cum sciamus, quod Christus amabilissimus Dominus noster se ipsum comparaverit gallina, qui suos ingratos filios, tanquam pullos protegere cupiebat. Aliunde etiam est apertissima, atque demonstrans majestatem ejusdem magni Dei, quæ potest per imbecillum & pauperculam Virginem terrificare & fugare demonum turmam. Per occasionem præterea declaratur horum vilitas & vacordia: non enim assimilantur cucunque avi rapaci, sed ijs, quæ sunt spuria & abjectæ, qualis est milvus, tantum audentes infestare gallinarium, quas minimus in domo puer repellit ac fugat.*

## CAPUT XI.

Continuatur idem argumentum, enarratione aliorum ejusdem anni eventuum.

**P**æterlapsâ die Dominicâ, decimâ septimâ Maij, me Deus vocavit dicendo: Veni Anima, & videbis, quod tibi volo ostendere. Fui subito duxta in spiritu ad litus maris Anglici, ubi vidi multos artifices hereticos fabricantes navigia, & ijs immixtos nonnullos dæmones, à quibus juvabantur. Observavi nihilominus, quod, et si cum ipsis viderentur in construendis & reparandis navibus laborare, id tamen agerent fraudulenter, ita omnia instituendo, ut naves redderent debiles, & fabricam periculosam. Inde me Dominus transtulit, & collocavit in litore Catholicorum maris Hispanici. Ibi conspexi multos Angelos in specie fabrorum lignariorum, qui suis alicj, & reliquis instrumentis construebant nescio quales fabricas: videbantur autem mihi esse dominus. Alij tanquam lapicidæ restaurabant muros; alijs ex ipsis fabricabant naves. Alij instar proviforum præparabant armamenta navium, tormenta bellica, & annonam. Nonnulli concidebant præaltas turrens, quasi speculatores, ad explorandum inde hostem, ac denique non pauci instar navistarum permeabant mare, exercentes naviulariam. Hoc tempore vidi venientem ex Anglia potentem classem, cum ingenti apparatu, optimèque instructam rebus necessarijs ad pugnandum, & spectatâ potentia ac viribus, quas præ se ferrebat, videbatur submersura omnes naves, quæ se illi opponeren, atque appellens ad portū subrutura mœnia, & prostratura castella, quæ in continentie sita aggrediretur. Vidi deinde prodeentes illi obviâ ex Hispania paucas quasdam naves, cùque debiles, & non tam bene instructas tormentis bellicis, quām erant hostiles. Angli coeperunt invadere nostrates cum magno tumultu, ac adeò vehementibus explosionibus, ut omnes primo impetu ab illis videbentur submergendi. Notavi, quod, licet tantus esset fragor, per exiguum tamen sequeretur effectus, quia globi appellebant tam langvidi, ut nostris navibus vix nocent. Hæ quoque sua explodebant tormenta, ejaculando pilas, uti apparebat, parvas, & modicum edentes strepitum:

sed